

خزانه حاکم

پازار ایرتسی

نومرو	محرم	سنه	تموز	سنه	حقیقه
۷۲۲	۲۴	۱۳۱۱	۲۶	۱۳۰۹	۱۰۶۶۹

(اشوغزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکر می غروش)
 (حسابیه التمش غروشدر . طشره لر ایچون اون بش غروش پوسته اجرتی ضم اولنور . بهر)
 (نسخه سی ینه مجیدیه یکر می غروش اولوق اوزره یوز پاره یه هر یرده صاتیلور . درج اولنه جق)
 (اعلا ناک هر برندن بر مجیدیه اخذ اولنور . سنه لکنه مشقری اولوق استیقللر عدلیه نظارتی)
 (دائره سنده کائن جریده محاکم اداره سنه مراجعت ایلملیدر)

دیگر شاهد تلاسلی خانی اوغلی ارتین دخی پدری
 اوخانس بربر اصنافدن اوتوز یاشنده اولوب
 متهملره بر کونا قرابت و مناسبتی اولمیدیغی
 و ایچلرندن سیموخ اوغلی ارتین ایله کرتمان اوغلی
 قاروی اولدن طانور اولدیغی سویلمسیله کذلک
 بعد التحلیف استماع اولندقدن عرب اوغلی سرکر
 ایله سیموخ اوغلی ارتین مرقوم سر کرک دکانشده
 اوتوز لرکن کندوسیده واردیغنده سر کرک بر
 امضا ایستدیکنی و کندوسی امضا ایتیموب پاره
 و یردیکنی والظرانک خانه سنده اجتماع ایدن
 جمعیت فسادیه به متهملردن کرتمان اوغلی قارو

(انقره ولایتی استیناف محکمه سی جزا)
 (دائره سندن اعطا اولنوب بوکره محکمه تمیز)
 (جانبندن تصدیق قلنان بر قطعه اعلام ضبطنامه)
 (سنک بروجه زیر مابعدی)

دیگر شاهد تلاسلی مقصودیان عوادیس دخی
 پدرینک اسمی سرکز اولوب اوتوز یاشنده یورغانچی
 اصنافدن ایدوکنی و متهملرله برکونا قرابت و مناسبتی
 اولیوب بونلردن کرتمان اوغلی قارو و سیموخ اوغلی
 آرتینی اولدنبور و بیلور اولدیغنی سویلمسیله کذلک بعد
 التحلیف استماع اولندقدن بر یحیی سنه مقدم
 کویلرند قصاباق ایدن متهملردن سیموخ اوغلی
 ارتین ایله خانه سنه الدینی لحک حسانی کورمک
 اوزره مرقومک دکانه کیردیکنده متوفی عرب
 اوغلی سرکز دخی اورایه کلرک تشکیل ایلدیکی
 شرکته داخل اولسنی تکلیف ایله برامضا ایسته
 مش ایسه نه شرکت ایدوکنی استیضاح ایلدیکنده
 مرقومک ارتینک بندنده امضا الیلر ضررلی
 برشی اولسه ایدی المزلر ایدی دیسیله برامضا
 ویردیکنی و شرکتن مقصد نه اولدیغنی بالاخره
 انترانک کلوب سویلیه جکنی بیان ایله سرکزک
 کیمش اولدیغنی و صکره انترانیکک خانه سنده
 اجتماع ایدن جمعیتده کرتمان اوغلی قارو حاضر
 اولوب متوفی عرب اوغلی سرکز طرفندن کیمسه
 سویلنامسی ایچون کندوسنه یمن ویرلکدن
 صکره ارمیجه نظامنامه اوقودینگی و ترجمه
 ترجمه ایدیلرک طرفلرینه اعطا قلنه جفی سویلمش
 ایسه ده ویرلماش اولدیغنی و اولدقلری اوطه ده کی

برشی اوقومش ایسه ده ارنی العبارة اولدیغندن
 واقف اوله مدینگی و اوراده ارنی بکلکی تشکیل
 قلنه جق سلاح الکر دیه مرقوم قارونک سویلمش
 اولدیغنی افاده مضبوطه سنه موافق صورتده بیان
 ایتسیله شاهد مرقومک ذات و شهادتی حقنده نه
 دیه جکلری صوریلان متهمان مرقوماندن قارو
 اوله برشی سویلمدیکنی و سیموخ اوغلی ارتین ده
 قبول ایتیه جکنی سویلدیلر

دیگر شاهد یاغوب اوغلی حاجی دخی
 تلاسلی پدرینک اسمی یانوس اولوب التمش
 یاشنده قصاب ایدوکنی و متهملرله برکونا قرابت
 و مناسبتی اولیوب بونلردن قارو و سیموخ اوغلی
 ارتینی اولدنبور و طایر اولدیغنی سویلمسیله کذلک
 بعد التحلیف استماع اولندقدن سیموخ اوغلی ارتینک
 کندیسینی که یایان روپنک خانه سنه کتوردیکنی
 و اوراده روبن و کرتمان اوغلی قارو طرفلردن
 شرکت فسادیه به داخل اولسنی تکلیف ایلدیکنی
 و قارونک طلب ایتدیکی امضایی اعطا ایله شرکته
 داخل اولدیغنی بیان ایله سیموخ اوغلی ارتینک
 برشی سویلماش اولدیغنی افاده مضبوطه سنه
 موافق صورتده سویلمسیله مرقومک شهادت
 واقعه سنه نه دیه جکلری قارو و آرتیندن صورلدقده
 قبول ایتیه جکلری سویلدیلر .

طیانه نیک قاج غروشه الدینک سؤالنه ایچلرندن
 برینک هر آدمه بر سلاح لازمدر دیه سویلدیکنی
 بیان ایتسیله استنطاقاً اشبوانترانیکک خانه سنده
 عقد ایدیلان جمعیتده بر دفتر چیقار یلوب
 کندوسندنده بر محیدیه طلب ایتیشلر ایسه ده
 ویرمیوب اقچه بی نه ایچون ایستدکلری سؤال ایله
 ار ضرور طرفلرند بعض ارنی کویلری باصلمش
 انک ایچون هر کس بر سلاح تدارک ایتلی و پاره سی
 اولیان فقرالرده صانون الملی دیمش اولدقلری
 سویلمش اولدیغنی اکلاشله غله استیضاح اولندقدن
 حضور محکمه ده کی افادانک طوغری اولوب
 بشقه معلوماتی اولدیغنی سویلمسی اوزرینه
 نه دیه جکلری متهملردن قارو و آرتیندن صورلدقده
 قارو دخی انترانیکک خانه سنده برابر بولدیغنی
 خاطرند اولدیغنی و آرتینده او یله برشی سویله
 مدیکنی بیان ایتدیلر . دیگر شاهد تلاسلی طومه یان
 قره بت پدرینک اسمی اغوب اوتوز التی یاشنده
 سمسار اولدیغنی و متهملرله برکونا قرابت و مناسبتی
 اولیوب بونلردن سیموخ اوغلی ارتین ایله قاروی
 اولدن طانور اولدیغنی سویلمسیله کذلک بعد التحلیف
 استماع ایدلدکده مرقوم سیموخ اوغلی ارتینک سی
 عرب اوغلی سرکز چاغری یور دیه کندوسنی
 سرکزک خانه سنه کتوردیکنی و اوراده مرقوم

سرکزک تشکیل ایتدیکنی بیان ایتدیکی شرکته
 داخل اولسنی ایچون بالتشویق کندوسندن برامضا
 الدیغنی و مقصد شرکت نه اولدیغنی اکلامدقچه
 دخوله نامیله ایستیلان بش غروشی ویرمیه جکنی
 بیان ایله کتدیکنی و ابراحامک خانه سنده اجتماع
 ایدن جمعیت فسادیه ده کرتمان قارونک ده حاضر
 اولدیغنی و اوراده بر طاقم قادیلرک ده بولنسیله
 شرکته دثر برشی قونیشسیله میهرق طاغلدقلری
 و بردها جمعیتلرینه و ارماش و دخوله بی ویرماش
 و معلوماتی بوندن عبارت ایدوکنی اتیان ایلمش
 و نه دیه جکلری سؤال اولنان سیموخ اوغلی ارتین
 دخی سرکز طرفندن خبر کتوردیکنی و قارو
 دخی ابراحامک خانه سنده بولنوب بولندیغنی
 خاطر لایه مدینگی سویلمشدر .

دیگری تلاسلی قیا اوغلی ابراحام دخی پدرینک
 اسمی اغوب التمش یاشنده بلاصنت اولوب متهملرله
 برکونه قرابت و مناسبتی اولدیغنی و بونلردن سیموخ
 اوغلی ارتین و قاروی اولدنبور و طانور اولدیغنی بیان
 ایتیکله کذلک بعد التحلیف استماع اولندقدن عرب
 اوغلی سرکزک تشکیل ایتدیکی شرکته داخل
 اولسنی ایچون کندوسنی تشویق و تحریک ایدرک
 برامضا المش و مرقوم سرکزک خانه سنده تجمع
 ایدن جمعیت فسادیه ده قارو و ساعتچی اغوب ده

حاضر بولمىش و سر کر طرفىدن ارمنيجه برشى
دخى اوقونمىش ايسه ده نه اولديغى اكلایه مدیغى
ومذ کور جمعیتده سیموخ اوغلى ارتينک اولديغى
افاده مضبوطه سنه موافق صورتده بیان ایللمسیله
نه دیه جکلى قارو واغوبدن صورلدقه قارو
اولوجهله سر کرک خاننده بولنديغى تصدیق
واغوب کندوسنک اوراده بولنديغى تذکار
ایللمشدر .

دیگر شاهد کرونى شالجى اغوب دخى پدرينىک
اسمى اوخانس اوتوز التى باشنده و قيصريده
مقيم اولوب شالجى اصنافدن ایدوکنى و متهملرله
برکونا قرابت و مناسبتى اولديغى و بونلردن
کرتمان اوغلى قارو و دباغیان ساعتجى اغوب
و کرونى قره بى اولدنیرو طانیبر اولديغى سو-
یلمسیله کذلک بعدالتحلیف استماع اولندقه ایکی
سنه اقدم اطنه لی کیورق واسطه سیله دباغیان اغوب
و کرونیان قره بت و قارونک خبرلری اوزرینه
بونلردن اغوبک خاننده واردینده مرقومون
حاضر اولوب ارمنیلىک اثبات ایچون برامضاویر
دیملری اوزرینه کندوسی قبول ایتیه جک اولمش
ایسه ده جبراً امضا وضع ایتیدر دکلرینی و دفتر
کبی برشی اوقومش ايسه ده نه اولديغى اكلایه .

مدیغى وارمنى شرکتی ایچون ایتیدر کلى ایکی
مجیدیه بی پاره سی بولنديغدن ویرمدیکنى و صکره
اغوبک امضاسیله واونباشى نامیله سر کر کله رک
پاره ایسته مش و ویرمدیکی حالد جبر ایدیه جکنى
سویللمش اولديغى و قارو النده بر کاغذ اوقیوب
و مقصدلری ارمنى بکلکی تشکیل ایچون حکومت
سنیه عصیان ایتک اولوب بونک ایچون طوللا-
نیلان پاره ایله سلاح النسنی داخل ایتیدر کلى
اشخاصه تنبیه ایدرک دولت علیه نک برایکی سنه
ظرفنده دول اجنبیه دن بریله محاربه سی وقوع
بولوبده عساکر ردیفه و مستحفظه نک سلاح الته
الندیغده شرکت اختلالیه افرادینک استحضار
ایده چکی اسلحه ایله قرا و قصباتی باصمق جمله
قرارلردن ایدوکنى سویللمش اولديغى و تالاس
شرکتک رئیسى مرقوموندن ساعتجى دباغیان
اغوب اولوب کرتمان اوغلى قارونک کاتبی ایدوکنى
و کرونى قره بتده ایلرو کلانلردن بولنديغى
و شقاوت و سائر کونا برجرم فضاحت ارتکاب
ایدن شرکت فسادیه افرادینک لهرنده ینه افراد
شرکتدن یلان شاهدى تدارکیسه یکدیگرینی
محبوسیت و مجازات قانونیه دن تخلیص ایتک شر-
کتک جمله نظامندن و اعتیاد ایدیلان معاملاتندن
ایدوکنى و بونلری قيصريده دن کوب کوب اوغلى

محمد اغا ایله درویش اغایه و قتیله خبر ویرمش
ایدوکنى افاده مضبوطه سنه موافق صورنده
سویللمسیله نه دیه جکلى مرقوموندن قارو واغوب
وقره بندن صورلدقه قبول ایتیه جکنى
سویللمشدر .

دیگر شاهد کوللاجى اوغلى علی دخى
پدرينىک اسمى قيصريه لی اسماعیل اولوب اوتوز
بش یاشنده دیون عمومیه قوجیلرندن ایدوکنى
و متهملرله برکونا مناسبتى اولوب هیچ ریسنیده
طانیاز اولديغى و قوجلی عزت اغا ایله دخى قبو
یولداشلغندن بشقه بر مناسبتى بولنديغى سویللمسیله
کذلک بعدالتحلیف استماع اولندقه برکون رفیق
یامجی اوغلى عزت ایله مستخدم اولدقلى تالاس
مملحه سی حاصلاتی قيصريه کوتورمک اوزره
یوله چیقوب لاله لی بلنه واردقارنده ایلروکتمش
اولان رفیق عزت اغانک اوزرینه دره نک ایچندن
زبقه البسه لی و کورجی باشقلی اوچ کیمسه نک
الرنده مارتین وروولور اولدینی حالد چیقوب
سلاح انداختله اطرافى محاصره ایتیدر کلى
کورنجه پوسته اقچه سی کندى ترکیسنده بولمىشندن
طولایى هان کپویه اوزنکی ایدرک مملحه یه
فراراً عودت ایلمش و صکره برقاچ ارقداشله

عزت اغایى آراغه کتیدر کندنه مرقومک برقىر
قسراغه را کبا کیمکه اولديغى کوروب سؤال
ایتیدر کندنه اوکرینه چیقان مذکور اوچ کیمسه .
نک آت و تنک وساعت و هکبه سنى و آنک اکر
طاقنى آله رقتنده کی قسراغى کندوسنه و بروب
صاوشدقارینی سويلایکنى و کندوسی وقعه یی
اوزاقدن کوردیکی جهته شقیلرک شخصلرینی
کوره مامش اولديغندن تشخیص ایده میه جکنى
افاده مضبوطه سنه موافق صورتده تذکار ایلمش
ونه دیه جکلى متهملردن پانوس و میساقندن
صورلدقه بر دیه جکلى اولديغى سویللمشدر
بونک اوزرینه وقتک عدم مساعدیه سی ملاپسه سیله
دوام محاکمه شهر حاکم یکرى دردنجی بازار
ایرتسى کونه بالتعلیق متهملر توقیفخانه یه اعاده
قلتمشدر

فی ۲۲ مایس سنه ۳۰۹

اعضا	اعضا	اعضا	رئیس
اونیک	علی	توفیق	حسین حسنى
		کاتب ضبط	اعضا
		قیس	یورکی

رئيس حسين حسنى اعضا احمد توفيق وعلى
واونيك ويوركي افنديلر .

يوم مذ كورده متهمون مرقومون قانون
دائرة سنده توقيفخانه دن كتورديلهرك و وكيل
مدافعلى عواقيان كيورك وشاهنيان قره بت
وشاهليان ارتين وعباحيان ماماس وعزت وچه چيان
آغوب وعزيزيان ناظم ولازاراكي ونظرت
افنديلر نذرلنده اولديني واستيناف مدعي عموم .

ميسي محمد عارف بك افندي ايله مدعي شخصي
مرقوم محمد چاوش وقولجي عزت حاضر
بولدقلى حالده ضوابط سابقه قرائت ودوام
محاكميه مبادرتله ورود ايتش اولان حقوق
عموميه شاهدلرندن عربجي حمزه حضور محكمه يه
جاب ايله وقوعبولان سؤال اوزرينه اسمي
حمزه پدرينك اسمي ابراهيم اوتوز ياشنده عربجي
وعن اصل روم ايلينك جمعه قصبه سندن اولوب
انقرده مقيم بولديني ومتهملردن هيج برسيميله
بركونا مناسبتى اوليوب متوفى قاطاچي اوغلى
كوسه حسنى طانور ايسده مرقومه دخى بركونا
قرايتى بولنديني سويلمسيله بروجه سابق تحليفى
بالاجرا مواجهه استماع اولندقدن كندوسى قير
شهرندن عربيه ايله انقره يه كلور ايكن كوپرى

كوينده عربجي رجه تصادف ايتديكنده
روسجقلى قاطاچي اوغلى كوسه حسن ايله
انقرده دن برابر چقدقلىني و مرقومك كندوسنك
عربيه سى يولده قيرلسندن طولاني ايلرى كتمش
اولديني بيانله يولده كوروب كورمديكنى كندو .
سندن سؤال ايتش ايسده تصادف ايتماش
اولديني سويلمش اولديني واخير احسنك كيراجيلرى
بولنان اوچ خرسنيانك مرقومى يوزغاد يولسه
چويرهرك انسانى راهده بوغمش وعربيه سنك
چورم وتوقاد طرفه كتورلمش اولديني
ايتشمش ايسده كيملردن ايتديكنى بيله ديكنى
وبشقه كونا معلوماتى اولديني افاده مضبوطه سنه
موافق صورنده بيان وپانوس وميرجان وكلكيك
مرقومك شهادت واقعه سنه برديه جكلى اولديني
ايتان ايتملردر .

ديكر شاهد خانجي حافظ اغا دخى اسمي
فتح الله پدرينك اسمي سيد الله ياشنده انقره لى
خانجي اولديني ومتهملره بركونا مناسبتى بولمده
يغنى ومتوفى عربجي كوسه حسنى طانور ايسده
اكاده بركونا قرايت و مناسبتى بولنديني سو .
يلمسيله كذلك تحليفى بعد الاجرا مواجهه استماع
اولندقدن متوفى مرقوم كوسه حسنى تخميناً

اوچ يوزيدى سنه سى قيش موسمنده در سعادتن
كلوب خاننده مسافر اولان قيصريه لى اوچ
خرسنيانله اون ايكي مجيديه كرا ايله قيصريه يه
كتورمك اوزره عربيه سنى كيرالا يوب كيتمش
اولدقلىني و مرقوم حسنى اندن صكره بردها
عودت ايتيوب اخيرا كوپرى كويندن ايلورده
ويوزغاد طرفه ايريلان يولده كوسه حسنى
مشتريلىنك اولدقلىني وعربيه لى الوب كوتورمش
بولدقلىني شورادن بورادن ايتديكنى ومشتري
يلرندن برينى كورمش اولديغندن شخصاً طانور
ايدوكنى افاده مضبوطه سنه موافق صورنده بيان
ايله متهملردن ياغوب اوغلى پانوسى ارانه ايتماش
وپانوس دخى حسنى عربيه سنى طوناركن كندو .
سنى كورمش اولديغندن برديه جكى اولديني
كلبك وميرجان ايله برابر درميان ايتملردر .

ديكر شاهد عربيه جي بانديرمه لى سليمان دخى پدر
ينك اسمي مصطفى بكر مى ياشنده انقرده مقيم عربجي
اولديني ومقتول كوسه حسنى طانور ايسده قرايت
ومناسبتى اولديني بيان ايله سيله بودخى تحليف
ومواجهه استماع اولندقدن تخميناً اوچ يوزيدى سنه سى
قيش موسملرند بر شخصك اوچ كيمسه يزديهرك
حافظا خاننده عربجي كوسه حسنى
قيصريه يه قدر كيراليه رق كيتديكلىني وصكره كوسه
حسنى عربيه سنك چورمده كورلديكنى ايتديكنى
افاده مضبوطه سى وجهله بيان ومتهملردن پانوسى
ارانه ايله عربيه لى طونان شخصك اشبو پانوس
اولديني ايتان وپانوس دخى بوجهتى تصديق ايله
كلبك وميرجان ايله برابر برديه جكلى بولنديني
درميان ايلديلر .

ديكر شاهد خانجي محمد على دخى پدرينك
اسمي حميد اوتوز بش ياشنده روم ايلينك مجيديه
خاننده درعليه دن كلورك مسافرت ايدن اوچ

قضاسندن اولوب ایسوم انقرده خانجیلیق ایله مشغول اولدیغنی ومتوفی کوسه حسنی طانورایسه ده قرابت ومناسبتی اولدیغنی سویلدکن وکذلک تحلیف اولندقدن صکره مواجهه استماع ایدلدکنه اوچیوزیدی سنه سی قیش ابتدالرنده کوسه حسنی قیسریه کیرا طوتوب کتدیکنی ایشتمش ایسه ده بشقه برشیدن خبردار اولدیغنی وحسنت کراجیلرینی طانیدیغنی ومتهملرده بر دیه جکلری بولندیغنی افاده ایتدیار .

دیگر شاهد حاجی اوغلی قیسریه لی مصطفی دخی پدرینک اسمی حاجی اون سکر یاشنده عمله ومدعی شخصی محمدچاوش عمی زاده سی اولدیغنی سویلدکن و بودخی کذلک تحلیف ایدلدکن صکره مواجهه استماع ایدلدکنه بر چهارشنبه کونی مقتول مصطفی و پدری محمدچاوش وانشته سی سیدمحمد وکندوسی برابر اولدقلری حالدیه قیسریه لی کرونی اوغلنک اسکی شهر موقعنده و عر بلر کنکی نام محله اولان باغ قیوسنه قار طولدیرمق اوزره کیتمش و برابرلرنده صوالمق ایچون برشی کتورماش اولدقلرندن او جوارده بولسان کشکلک باغ خانه سندن بر قاب بولمق اوزره واردقلرنده خانه نک طیشارویه اولان اوفق

دلیکندن بر سلاح انداخت ایدلمسیله مقتول مصطفانک مجاقلری آراستدن خانه قیوسنک اشیکنه تصادف و خانه نک التندن برشخص چیه ره ق کندولرینه سب و شتم ایلهرک فرار وکندولریده تعقیب ایلدکلرنده ایکنجی دفعه اوله رق آتدیغنی سلاح قورشونیه تصادف ایتامش ایسه ده اوچنجی دفعه اوله رق آتش ایلدیکی بیاض قبضه لی پارلاق دمیرلی روولوردن چیقان قورشون کندوسندن ایلروده اولان متوفی مصطفانک صاغ قولاغندن اصابتله مرقومک درحال وفات ایلدیکنی واولوقت وجه مشروح دائره سنده واردقلری کشکلک باغ خانه سندن روولور انداختیله چیقوب فرار ایدن و حین تعقیبه متوفای مرقومی قولاغی دیندن اوره رق قتل و تلف ایلان شخص حاضر بالحاکمه ارضمان اوغلی اوخانس اولدیغنی و مرقومک قولنده بوزعبا وارقه سنده سیاه پالطو و بجاغنده قبل سیاه شلوار و یاغنده پوستال بولندیغنی و استعمال ایتدیکی سلاحک بیاض قبضه لی پارلاق دمیرلی بر قره طاغ روولوری ایدوکنی افاده مضبوطه سنه موافق صورته ده بیان و متهملر میاننده مرقوم اوخانی ارانه و تقریق و کوستریلان طبانجه متهمک اولوقت یدنده کوردیکی طبانجه ایدوکنی اتیان ایلمسلیله شاهد مرقومک ذات و شهادتی

حقده نه دیه جکی و مذکور طبانجه کندوسنک اولوب اولدیغنی مرقوم ارضمان اوغلی اوخانسندن صورلدقده ارانه ایدیلان مذکور طبانجه نک کندوسنک اولدیغنی تصدیقه برابر شاهد مرقوم کندوسنه افترا ایتکنده اولدیغندن قبول ایتیه جکنی تذکار ونه دن طولای افترا ایلدیکی سوال ایدلدکنه قیسریه ده مصطفانک قاتلی اولمق اوزره کندوسی کوسترلمش اولدیغندن اولوجهله شهادت ایلکنده اولدیغنی از بار ایلدی .

دیگر شاهد سید محمد دخی پدرینک اسمی احمد یکر می بش یاشنده عمله قیسریه ده مقیم اولدیغنی ومدعی شخصی محمدچاوشک دامادی اولدیغنی سویلمسیله معلومات قیلندن اولمق اوزره بلا تحلیف استماع اولندقدن اوچیوزسکر سنه سی شباط ماهی ایچنده بر چهارشنبه کونی قائم پدری محمد چاوش و متوفی مصطفی و حاجی اوغلی مصطفی ایله کرونی اوغلی سرکرک اسکی شهر موقعنده و عر بلر کدیکنده اولان باغ خانه سنده کی قیوسنه قار طولدیرمق اوزره کیتمش و بروقت جالیشدقدن صکره برابرلرنده صوالمق ایچون برشی کتور ماش اولدقلرندن او جوارده بولسان کشکلک باغ خانه سندن بر قاب المق اوزره متوفی مصطفی ایله حاجی اوغلی مصطفانک ایلروندن کیتمش و کندو .

سیده از کیرودن کیتکنده بولنش اولدیغنی حالدیه برده بر سلاح سسی ایشتمدیکنی و حاجی اوغلی مصطفانک خرسنیا یزی قورشونه دیزه جک دیه باغردیغنی وهمان کندوسیده سرعتلیجه واروب برده ایلروندن بوزعبا لی و سیاه قبل شلوارلی بر شخصک قاچقده وایکی مصطفالرنده تعقیب ایتکنده اولدیغنی کوردیکی و شخص مرقوم طرفندن ایکنجی دفعه اوله رق آتیلان قورشونده تصادف ایتامش ایسه ده اوچنجی دفعه اوله رق آتیلان قورشونک قائم برادری مصطفانک صاغ قولاغندن اصابت ایتمش اولمسلیله در عقب وفات ایتدیکنی و شخص مرقومک استعمال ایتدیکی سلاح بیاض قبضه لی پارلاق دمیرلی بر قره طاغ روولوری ایدوکنی و لدی الارانه کوستریلان روولورک مرقومک اولوقت یدنده کوردیکی سلاح اولدیغنی افاده مضبوطه سی وجهله تقریر و متهملر میانندن ارضمان اوغلی اوخانی تقریق و تعیین ایتکنه نه دیه جکی مرقوم اوخانسندن صورلدقده قبول ایتیه جکنی سویلدی .

دیگر شاهد ضبطیه ابراهیم آغا دخی پدرینک اسمی عبدالرحمن الی بش یاشنده قیسریه سواری ضبطیه نفراتندن اولوب قیسریه ده مقیم بولندیغنی

و دیگر راج اوغلی خلیل دخی پدرینک اسمی محمد
اللی باشند کذلک قیصریه لی سواری ضبطیه نفراتندن
اولوب قیصریه ده مقیم بولندیغنی و دیگری خورکارک
علی دخی پدرینک اسمی محمد اللی باشند قیصریه
سواری ضبطیه نفراتندن اولوب قیصریه ده مقیم
اولدیغنی و دیگری اسماعیل اونباشی دخی پدرینک
اسمی مصطفی اولوب قیصریه سواری ضبطیه نفراتندن
اللی باشند قیصریه ده مقیم اولدیغنی و مدعی شخصی
محمد چاوشی طانور ایسه ده مرقوم و متهملره برکونا
مناسبتلری بولندیغنی سولملریله بونلر دخی بعد
التخلیف منفرداً و مواجّهة استماع اولندقلرنده
ارضمان اوغلی اوخانسک یافته و قوعاتندن طولای
فراری اولدیغنی و اخیراً مرقوم مصطفیانک
برخرستیان طرفندن مرقومک فراری بولندیغنی
مخلده اورلش اولدیغنی ایشدکلرینی و کندولری
پوسته بی کتورمک اوزره سلطان خانه کتدکلرنده
اوجوارده بولسان کویلیلر طرفندن متهم مرقوم
اوخانسک دردست اولنه رق پلاس مدیرلکنه
کتورلمکده اولدیغنی ایشدکلریله همان کیدوب
طانیدقلرینی و قوعبولان سؤال اوزرینه اول اسم
وشهرتی انکار ایش ایسه ده کندولرینک مرقومی
طانیدقلرینی اکلایه رق کندوسنک ارضمان اوغلی
اوخانس اولدیغنی و یافته و قوعاتندن طولای فراری

دیگر شاهد قزاروس اوغلی خریطون دخی
پدرینک اسمی قزاروس اون درت باشند اورهک
قصبه سنک فسه مخله سنندن و مکتب طلبه سنندن
اولدیغنی و متهملردن وارنوق اوغلی قاپریل ایله
سیرپیک قادینی طانور بولندیغنی بیان ایتسیله بلا
تحلیف معلوماتنه مراجعت اولندقلده شرکت

فسادیه نک وجود و تشکیلندن و یافته و قوعاتندن
عدم معلوماتی بیان ایلدی .

دیگر شاهد هکیم اوغلی سرکز دخی پدرینک
اسمی نیقوغوس اوتوزیش باشند قبضال اورهکلی
اولوب متهملره برکونا قرابت و مناسبتی اولدیغنی
و وارنوق اوغلی قاپریل ایله سیرپیک قادینی طانور
بولندیغنی سولسیله و دیگرلری مثلاً بونک دخی
تخلیف اجرا و استماع اولندقلده یافته و قوعاتندن
صکره کمندی خانه سننده اوتورمقله ایکن متهملردن
سیرپیک قادین کلهرک امضاسی برپوصله کوستردیکنی
واو قوددیغنده مزبور نک چوماقلی به کلسنی مشعر
اولدیغنی سولدیکننده مزبوره سیرپیک بن
چوماقلی به کیتدم و اورادن ویردکلری یافته لری
تعلیق ایتدم دیسیله اولیه اوراق مضمره بی نه ایچون
یاشدیردیغنی کندوسندن سؤال و تکدیر ایتدیکننده
ورقه مذکور لرینک مضرتی اولدیغنی سولملرینه
مبنی یاشدیردیغنی بیانه اظهار تأسف و ندامت
ایلدیکنی و اندن بریچق سنه اول ژیرار نام شخصی
مزبوره نک خانه سننده کوردیکنی ورشتونی بی مزبوره
نک خانه سننده کورماش و وارنوق اوغلی قاپریل
حقننده ده برکونا معلوماتی بولماش اولدیغنی بیان
ونه دیه چکی سؤال ایدیلان مزبوره سیرپیک قادین

دیگر شاهد زولام اوغلی قارلو دخی پدرینک
اسمی اوخانس یکرمی باشند کوش حاجی کوی
قریه سنندن چولجی اولوب اوراده مقیم بولندیغنی
و متهملردن خچاطور و تین اوغلی بدروس و جنون
اوغلی سخاق بیلور ایسه ده برکونا قرابت و مناسبتی
بولندیغنی سولدیکن صکره کذلک بعد التخلیف
مواجهه استماع اولندقلده بونلردن خچاطور حقننده
برکونا معلوماتی اولیوب انجق اوچوز سکر
سنه سی کانون اولنک یکرمی دردنجی پنجشنبه کوتی
اخشام اذانی وقتی صوکتورمک اوزره شوسه
طریق اوزرنده بولان قایش کوپریسی اوزرنده کی
چشمه به کتدیکننده تین اوغلی بدروس اسب سوار
اولدیغنی و دیگری جنون اوغلی سخاق پیاده بولندیغنی
واوزرلرنده زبقه و باشلرنده کورجی باشلیغی اولدیغنی
حاله مذکور شوسه یولندن کتمکده لر ایکن بونلردن
سخاق یانه کلهرک چشمه دن الی ییقامسیله
و قوعبولان سؤال اوزرینه ایشمز وارد کیدیورز
دیهرک مرقوم بدروسک ارقه سنندن کتدیکنی
کوردیکنی و مذکور پنجشنبه کوتی یافته و قوعاتنک
کوندوزی اولدیغنی افاده مضبوطه سی وجهله بیان
ایتسیله نه دیه چکلری مرقومان بدروس و سخاقدن

صورلد قده بونلردن سخاق شاهد مرقومك باباسنى
كوش كونى سرقندن طولاي حبس ايتدير مش
ومرقوم ايله باباسى بر كون كندى خانه لرينك
ديوارينى دلمكه ايكن محله بكجيسى كوره رك
ضرب ايتمش اولمسندن طولاي بالدهوى شاهد
مرقوم التى ماه و بدرى دخى بر بچق سنه مدته
محكوم اوله رق حبس ايندلىش اولديغى جهته بوندى
طولاي خصوصتى اولديغى وديكر متهم بدروى
دخى شاهد مرقومك پدرينك كندوسنه تسلطندن
طولاي حاجى كوى بدايت محكمه سنه بالدهوى
محكوم اولنش اولديغى بيانه قبول ايتمه جكلرينى
وشاهد مرقومده كچه پدرى سخاقك بر كوش
سرقى دعواسى اوزرينه التى آي محكوم اولمش
ايسه ده كندى عليهنده بر كونا دعوى وحكم
وقوعولامش ايندوكنى افاده ايتديلر .

ديكر شاهد بورجلو اوغلى مغرديج دخى
پدرينك اسمى اغوب تيمورجى كوش حاجى كوى
قریه سنه مقيم ايندوكنى وكتوريان كيروپى دخى
پدرينك اسمى سرکز اولوب قرق بش ياشنده
چولخه اصنافدن كدلك كوش حاجى كوينده مقيم
بولنديغى و كوركجى اوغلى خيره بت دخى پدرينك
اسمى قاپريل يكرمى بش ياشنده چولخه اصنافدن

مرقومونك شهادت استنطاقه لرينه قارشو حضور
محكمه ده عدم معلومات بيان ايتلمى كتم حقيقت
ايتمكه اولدقلىرى اظهار ايتمكه اولديغندن
حققرنده معامله قانونيه نك اجراسنى طلب وازبار
ايشدر .

لدى التأمل شهادتك مشهود عليه مواجهه سنه
اجراسى شروط اساسيه قانونيه دن اولسنه
كوره بر مخبره ياكز استنطاق دائره سنه
وقوعولان اخبارى وجهله مشهود عليه
مواجهه سنه ادای شهادت ايتيونده عدم معلومات
بيان ايتمسيله شاهد كاذب دنيله ميه جكندن كتم
شهادت ايتلكرى ادعاسيله حققرنده معامله قانونيه
اجراسى طلب اولنان مرقومون مغرديج و كيروپى
و خيره بت حققرنده معامله قانونيه ايفاسنه محل
كوريله مديكنه متفقاً قرار ويريلاهرك تفهينى متعاقب
جلب اولنان شهوددن محل اقامتلى مجهول بولنديغى
قيصريه و چوروم ضابطه لرينك ژورنالى اوزرينه
قيصريه متصرفلى و قيصريه و يوزغاد مدعى عمومى
معاونلكلرندن اشعار اولنان عراكليان مغرديج و ايواز
اوغلى ديقران و دوه لسان مهران و دره قم اوغلى
اصادورك و دعوت واقعه يه اجابت ايدمه جك
درجه ده كيفسز بولنديغى كدلك قيصريه متصرفليه
مدعى عمومى معاونلكنك تحريرات و ملفوفاتنه

كوستريلان اجد ملازم اوغلى شعبان ايله شهود
پوصله سنه اسملى كوريلان بروسه لى صارى
اجد و عرب به جى رجب و سيد محمد چاوش حققرنده كى
مطالعده سى مدعى عمومى عارف بكدن صورلد قده
مرقومان صارى اجد و سيد محمد و رجبك شهود
پوصله سنه سهواً درج ايندلىش اولديغندن انلكر جيلنده
محل اولمادىغى و ديكر لرينك افاده مضبوطه لرينك
قرائت اولمسنى طلب ايندلىش و طلب واقع موافق
نفس الامر كورلمش اولديغندن مرقومونك افادات
مضبوطه لرى قرائت ايتديرلد كده بونلردن عراكليان
مغرديجك افاده سنه تاريخ افاده سنندن ايكي آي
قدر اول بلا كسه قريه سنندن كشيش اوغلى آدورك
خانه سنه كيتديكنده مرقوم آدور و اندون رشتونى
اوراده بولنه رق رشتونيك سوسيا ليست شركى
تشكيل ايتك اوزره آتنده دن كلديكى و بوشركندن
مقصد حكومتى قالديره رق مساوات اجرا ايتك
اولديغى سويلديكى حاوى كورلمكه نه ديه جكى
متملردن رشتونيدن صورلد قده مرقوم مغرديج
ايله بر قاچ دفعه كورشمش و خنچاقان اختلال شركى
حقنده يكي بر تعليمات كلنجيه قدر برشى ياپلامسنى
سويلوب سوسيا ليست افكارى حقنده هيچ برشى
سويلامش اولديغى درميان ايتدى .

ايواز اوغلى ديقرانك افاده سننده دخى تاريخ

افاده سندن اون بش ماه مقدم دباغیان اغوب دكانه
كلهرك سلامتلك طریقی ایچون هر موقعه شرکتر
تشکیل اولتمقه در و محافظه و تهلكه دن سالم اولمق
ایچون بر اتفاق میدانه کتوره جکز و بوکا عائد
تعلیمات و نظامنامه یی خبریمز و دیرکتوریمز واسطه
سیله یاییله جق بر محله بولنورسهك اوراده
ایضاحاتی الورسین دیه تشویق ایدرك و کندوسندن
پاره و امضا ایستیهرك برجیدیه ایله برده امضا
الدیغی و اون بش کون صکره کلان خبر اوزرینه
کیتدیکنده انظرانیک و بربر اوغلی قره بت و کرونی
قره بت و اغوب و کرمان اوغلی قارو حاضر بولنورق
بونلردن قارو برکاغد چیقاروب او قودقندن و برطاقم
تشویقات و تلقینات فسادیه ده بولندقدن صکره
طاغلدقلرینی و بالاخره دولکر حاجی اوخانسیك
خانه سنده جمعیت واردر کیده جکسیك دیو بربریان
قره بت خبر کتیرمش ایسه ده کیتیه جکئی بیان
ایتدیکی صره ده داخل شرکت اولان سیموخ
اوغلی ارتین کلهرك کیتیمی بیان و فقط کیتامش
اولدیغی و یافته و قوعانندن معلوماتی اولیوب قالوستك
خانه سنه کیتدیکنده کمره کلی انتره نیک ده ایکی
و پانوسده بر کرونی قره بتده بررو و اور اولدیغی
واندون رشتونینك تلاسده شوارشك خانه سنه
کله جکئی و اورانی بوله ماز سزه وارسین شوارشك

خانه سنه کوندر دیو قیصریه لی دوکجه جیان پارسیخك
سویلسی اوزرینه رشتونی کلهرك برادر یله شوارشك
خانه سنه کوندر دیکئی آرسین افندیدن ایشندیکی
و کندوسنك یافته نك نره دن کلدیکندن خبری
اولیوب اغوب پهلو یافته یی کتورمش و عثمانلیجه
بیلدیکی ایچون آرسین افندی به کوندرمش اولدیغی
شوارشك و تلاس شرکته ریاست ایتك ایچون
اندون رشتونی طرفندن ایدیلان تکلیفی قبول
ایتدیکی آرسین افندیدن ایشندیکی سویلدیکی
اکلاشلنه نه دیه جکری مہملردن صورلدقده
بونلردن دباغیان اغوب کندوسنك اوله تشویقاتده
بولندیغی و قارو دخی کرچه بر جمعیتده بولنمش
و نامعلوم بر آدم طرفندن بعض تلقینات فسادیه
وقوع بولمش ایسه ده اسمی بیلدیکی و کندوسی
تلقینات و تشویقات فسادیه ده بولندایغی و سیموخ
اوغلی ارتین دخی شاهد مرقومی جمعیت کیتک اوزره
تشویق ایتدیکی و شوارش دخی یافته لری کوردیکی
خلاف حقیقت اوله رق کندوسنك مرقوم
دیقرانه سولیش اولمسیله انکده اوله سولیش
اولدیغی و آرسین دخی شاهد مرقوم مذکور
یافته لری شوارشك کورمش اولدیغنه عطفاً سولیکده
و شوارشده بوجهتی خلاف حقیقت سویلدیکی
بیان ایتلکده اولسندن اکلاشیه جئی اوزره کندو

سنك یافته لری کوردیکنك اساسی اولمادیغی
و کرونی قره بت و پانوس و کلبنکده سبب بیان
ایتمکسزین شهادت مذکوریه قبول ایتیه جکلیغی
درمیان ایلدیله .

دوہ لیان صراف مهرانك تاریخ افاده سندن
برچق سنده اول داخل شرکت اولمق اوزره دباغیان
اغوب کندوسی تشویق ایتمش و برده اوفق
کاغد اوزرینه امضاسی المش و مرقومک تنبیهی
وجهله و اخشام شیشمان اوغلی قالوسك خانه سنه
کیتدیکنده دباغیان اغوب و ابوازین دیقرا و پانوس
و آشچی پارسنج اوغلی کلبنك و تیمورجیان اغاش
و وزیران قزار و کرمان اوغلی قارو و خانه صاحبی
قالوست و عرب اوغلی متوفی سرکز و طراقجیان
اترانك و اسمی بیلدیکی بر دیشچی و دها سائر

خاار لایه مدیغی کسان حاضر اولدیغی حالده بونلردن
کرمان اوغلی قارو ال یازوسیه یازلمش بر نظامنامه
چیقاروب بالترجه اوقویه رق بر طاقم تشویقات
و تلقینات فسادیه ده بولندقدن و ارمنی بکلکی میدانه
کتوریه جکئی سویلدکدن صکره کندوسندن ده
ایکی مجیدیه دخولیه الدقلرینی و اسرار شرکتی
کیسه یه سولامک اوزره یمین و پردکدن صکره
کندوسیه اغاش قالقوب خانه لرینه کلدیکی و بردها

جمعیتلرنده بولندیغی و شرکته الاجه جیان ابراحم
و سیموخ اوغلی ارتین و لافجیان حاجی و مقصودیان
عوادیس و آرسین افندیك ده داخل بولندیغی
سویلدکلرینی افاده ایلدیکی کورلمکله نه دیه جکلیغی
صوریلان دباغیان اغوب افاده سی اوقونان مرقوم
مهرانك استانبولدن کوندرمش اولدیغی مضر بر
مکتوبك حکومت سقیه طرفندن الیه ایدلمسته
کندوسی سبب اولمش دیه ایشتمش اولدیغندن بو
یولده افترا ایتمش اولدیغی و قارو دخی قبول ایتیه
جکئی و آرسین و آرتینده مرقومک حقارنده کی
افاده سی مسموعانندن عبارت اوله رق حکمی
اوله میه جغیه برابر اساساً قبول ایتیه جکلیغی افاده
ایلدیله .

احمد ملازم اوغلی شعبانك افاده سنده دخی
شیباط ماهی ظرفنده بر چهارشنبه کوئی کرکاه نام
موقعده کی باغنده اولان قیویه قار تولدیر مق
اوزره کیدوب اوراده کزرن کرکی بجاق
طرفندن برو بر شخصک سرعتله حداسنه کلدیکنده
بر پارچه قار الوب ییه رك کیتدیکی و شخص
مرقومک اوزرنده سیاه پالطو و بجاغنده سیاه
قیل شلوار اولدیغی و آز صکره بر قاج اسلام دخی
کلهرك اسکی شهر طرفنده بر خرستیانك بر اسلام

اولدیره رك فرار ایتیش اولدیغندن كچوب كچمدیكنی
صوردقلرنده كوردیكى كبی بر شخصك كیتیش اولدیغنی
سویلدیكنی وائشای استیطاقده اولوقت سرعتله
كیدن شخص مرقوم یكرمی بش موقوفین میانده
كوردیكى وطنیدیغنی ارضان اوغلی اوخانس اولدیغنی
سویلمش اولمسیله نه دیه جکی مرقوم اوخانسدن
صوردقلده قبول ایتیه جكنی بیان ایلدی .

شاهدلردن عن اصل كوش حاجی كوی
قریه سنك کلیسا محله سنندن اولوب چورمك
شیخ ایوب محله سننده مقیم دره قم اوغلی اصادورك
افاده سی دخی اوغلاقییان خچاطور و جنون اوغلی
شماقك بر طاقم رفیققریله كندوسنی مرقوم خچاطورك
قاینارجه نام محله اولان باغده كتوروب اوراده
كندولرینك شركت فسادیه دن بولندقلرینی بیانله
فقرازی بسلك وسلاح و كورجی البسه لری المی
اوزره صندوقلری بولندیغنی و كندوسیده فقرا
اولدیغندن داخل شركت اولوب ویره جككری البسه
وسلاحله ایستریكى كیمسه بی ده یانته الوب شركت
نامنه اجرای شقاوت ایلمسنى تكلیف ایلمش واندن
صكره ده دفعا تله كندوسنی محال سائریه جلب
وتین اوغلی بدروسده برابر اولدیغنی حالده تكلیف
سابققرینی تكرار ایتیش اولدقلرینی ویا فته وقوعاندن
بركون اولكى پنجشنبه كونی مرقوم بدروسله

جنون اوغلی شماق كورجی البسه لری لابس اولدقلری
خالده برسی طورى و دیكری قیراسبلره راكب اوله رق
كوندنین ساعت اون بر راده لرنده قشله طرفه
طوغری كندكلىغنی كوردیكنی و مرقومونك شركت
فسادیه ده داخل بولندقلرینی بیلدیكنی محتوی
اولدیغنی كورلمسیله نه دیه جکی مرقومون خچاطور
و شماق و بدروسدن سؤال اولندقلده بولردن
خچاطور كندوسنك قطعاً بویله بر تشویقانه
بولندیغندن وحتی كندوسنك قاینارجه نام موقعه
باغی اولمادیغندن بمثله شهادت مذكوره بی قبول
ایتیه جكنی وتین اوغلی بدروس و جنون اوغلی شماق
دخی مرقوم اصادوره خصوصتلی اولدقلردن بمثله
افاده سنى قبول ایتیه جككلىغنی سویلدیلر .

مابعدی وار

(مطبعة عامر ده طبع اولمشدر)